

## **Tup ɲendehei ɲaiye Pol nainge nal me Timoti**

### *Wusyep hra embep*

<sup>1</sup> Ɗam Pol, aposel tikin Krai Jisas member tup e e malme nin Timoti. Got Miye nungwisme poi hindi Krai Jisas ɲaiye ɲoihmbwaip poi sai meseperhme pe, tinge hindi si yalaɲatme ɲam ɲaiye ma mende wah e e.

<sup>2</sup> Nin Timoti pe, nin ta e ɲaiye talah bwore ɲam. Detale, nin si ɲenerme Krai gande wusyep ɲaiye ɲam si mana nin me kin. Tup e e ɲam member malme nin. Ɗoihmbwaip ɲumwaiye, ɲoihginir topo e ɲoih mi mi tikin Yai topo e Krai Jisas Lahmborenge poi sai topo me nin.

### *Noihme lenge jetmam ɲaiye yalaɲatme wusyep molohe*

<sup>3</sup> Ɗupe ɲaiye ɲam masme Efesus mala mil provins Masedonia pe, ɲam si mana nin nange na orp moi Efesus. Detale, lenge mitiɲ sye tinge yal e yal e yalaɲatme wusyep hombo e me wusyep tikin Got yal lenge Kristen miye tuweinge. Ta e luku pe, ɲam masande ɲaiye na indindir lenge no, yukur ka plihe yininge wusyep uku, na pakai.

<sup>4</sup> Topo e na ini lenge miye tuweinge luku tu e le e na, ka yusme ɲoihmbwaip ɲaiye jonose lenge mwan ka tititinge, topo e yonombe teketenge wusyep yerkei yerkeime. Wusyep ɲaiye ta e liki

se ka ahra e tapam nihe. Wusyep ηaiye ta e luku se ka bunjenge ηoihmbwaip tinge pe, yukur ka se ungwisme bilip tinge.

<sup>5</sup> Tehei kin ηaiye ηam manange wusyep bongol uku pe, ki ta e le e: ηoihmbwaip yip ka bwore bwarme, topo e ηoiheryembe yip si sisyeme ηaiye yukur yip yende pupwa, topo e pa yurp tuwihme Got pe, luku ka ende yip ηaiye pa yende niharar lenge mitiη.

<sup>6</sup> Lenge mitiη sye tinge si yasme yanah bwore ηaiye ηam mana nin pe, tinge si tungwusyar yal yanah umun pe, tinge yanange wusyep sye topo e ηoihmbwaip kwote.

<sup>7</sup> Tinge yisande nange tinge yala yende wah tu e ηaiye jetmam tikin wusyep erηeme tikin Got. Pe wusyep mune ηaiye tinge yanange pe, tinge ηoiheryembe nange tinge sisyeme. Kom pakai, tinge yukur sisyeme wusyep ηaiye tinge yanange, topo e tinge bunje bunjenge wusyep tehei kin.

<sup>8</sup> Ta e luku pe, poi sisyeme nange wusyep erηeme tikin Got kin bwore ηaiye nungwisme yarp lenge miye tuweinge, topo e ηaiye ka junde tu e ηaiye Got ηanange.

<sup>9</sup> Ya lalme sisyeme tu e le e, wusyep erηeme ηaiye Got pwal poi pe, yukur ki nat lenge miye tuweinge ηaiye bwore, pakai. Kom wusyep erηeme luku kin de ka onombe lenge mitiη ηaiye yende hwap topo e yuwor e wusyep erηeme. Topo e lahmende ηaiye yukur jande wusyep erηeme tikin Got. Kin de ka onombe hwap lenge mitiη ηaiye yukur ηoiheryembe nange Got ki holi, topo e jonosambalai Got, topo e yende yumbune yasilalaha no, ka yonombe yai mam tinge, lakai lenge mitiη yule.

<sup>10</sup> Kin da ende wusyep me lenge mitiŋ ɲaiye yende niŋ pinip yar, lenge mitiŋ sye ɲaiye tinge yende niŋ pinip yar topo e lenge miye ta e ɲaiye somohon tinge yende yarp Sodom, topo e lahmende ɲaiye yende ɲendei me lenge miye sye no, yende windau me tinge ta e miye wah pakaiye. Topo e lahmende ɲaiye ɲanange wusyep hombo e topo e lenge mitiŋ lalme. Wusyep erɲeme ka ende wusyep me lahmende ɲaiye yende wachaihme wusyep mise tikiŋ Got.

<sup>11</sup> Wusyep uku ɲaiye ma mininge malaŋatme pe, ki wusyep mise yirise tikiŋ Got ɲaiye sasambe yirise mi supule tikiŋ Got pe, ya lalme yirisukwarme Got.

<sup>12</sup> Ɓam manange wusyep hriphrip me Kraiŋ Jisas, Lahmborenge poi ɲaiye kin si pwale bongol e e ɲaiye ma mende wah mininge wusyep e e. Detale, kin si ɲeteke e ɲiyar e ɲoihmbwaip ɲam nange ɲam tatame ɲaiye ma mende wah kin.

<sup>13</sup> Somohon ɲaiye teter yukur ɲam mimbilme ɲoihmbwaip ɲam malme kin pe, ɲam mihyele maname wusyep pupwa, gwonome naŋ kin, maname wusyep hi e, topo e ɲam mongombe lenge mitiŋ ɲaiye jande Jisas. Kom ɲup uku pe, Got ɲoihginirme ɲam. Detale, ɲoihmbwaip ɲam yukur teɲeime Jisas pe, ɲam yukur sisyeme ɲaimune ɲaiye ɲam si mende malme kin.

<sup>14</sup> Ta e luku pe, ɲup uku ɲoihmbwaip ɲumwaiye tikiŋ Lahmborenge poi turu nate gahanahme ɲam pe, ki ɲende ɲoihmbwaip ɲam teɲeime kin, topo e ɲoihmbwaip ɲaiye ɲende nihararme Kraiŋ Jisas.

<sup>15</sup> Wusyep e e ki bwore mise supule, ɲaiye lenge

mitin lalme ka yusyunde no, ka junde. Krais Jisas kin nate gah kekep e e naiye ka ungwis lenge miye tuweinge naiye yende pupwa. Ta e luku pe, nam Pol miye endehei naiye mende pupwa supule.

<sup>16</sup> Nam miye endehei naiye mende hwap, kom Got noihginirme me nam pe, Jisas Krais narp numwaiye naiye ka asambe noihmbwaip numwaiye kin otme nam naiye lenge miye tuweinge lalme ka yeteke e no, ka yanja e noihmbwaip tinge yilme kin pe, ka yurp yeseperhme nup yuwo naiye ka yurp bwore nye nyermbe.

<sup>17</sup> Poi lalme hriphrip, mirisukwarme kin, topo e maña e nan embere malme kin, Got esep ilyeh naiye yukur tatame ya meteke kin, pakai. Kin kin naiye narp nyermbe nyermbe, topo e naiye yukur tatame ka ole. Poi mahra e nan mirisukwarme kin nyermbe nyermbe! Mise.

<sup>18</sup> Wusyep e e nam mana nin talah nam Timoti. Ki nal gande wusyep profet sye naiye lenge Kristen miye tuweinge sye yanange yalme nin. Wusyep uku ka ungwisme nin naiye na ormbe bwore e oto wah tikin Got.

<sup>19</sup> Noihmbwaip nin ka tejeime Got bongol, topo e na orp bwore guh nembep lenge mitin lalme topo e Got. Nupe naiye lenge mitin sye jinyenme wusyep naiye ka yurp bwore junde noihmbwaip bwore pe, tinge si yende yupupur noihmbwaip bwore tinge luku pe, tinge si yasme noiheryembe mise tinge ko.

<sup>20</sup> Himeneus hindi Aleksander, tinge hindi yende ta e liki pe, nam member tinge hindi mal syep tikin Satan naiye ka hindi sisyme no, yukur ka hindi plihe yininge wusyep pupwa yilme Got.

## 2

*Wusyep hra embep nal lenge sios ηaiye ka yahra e nan tikin Got*

<sup>1</sup> Nendeheiyeh kin pe, ηam masande ηaiye na ini lenge Kristen miye tuweinge na, “Ka yininge wusyep topo me Got hriphrip me kin, topo e ka yisilihme kin ηaiye ka ungwisme lenge miye tuweinge lalme.”

<sup>2</sup> Tinge yisilihme Got ηaiye ka ungwisme lenge kin, topo e lenge miye embep no, poi ya murp bwore ηumwaiye topo e ηoihmbwaiḡ bwore bwarme. Topo e ya murp ηumwaiye tuwihme Got maḡa e nan embere milme kin ilyehme, topo e ya murp bwore bwarme mil ηembep lenge mitin lalme.

<sup>3</sup> Wusyep e e ηaiye ηam mana nin ηaiye pa yende pe, ki bwore supule nal ηembep tikin Got. Kin Miye nungwisme poi pe, luku ka ende kin ka hriphrip.

<sup>4</sup> Tehei kin ta e le e, Got ηasande ηaiye lenge mitin lalme ka yusyunde wusyep mise kitikin Got no, ka amba e tinge pe, ka yurp bwore hlaininge nye nyermbe.

<sup>5</sup> Detale, Got esep ilyeh kin narp, topo e miye bumble ilyeh ηaiye kin narp bumble me Got  
topo e lenge miye tuweinge lalme.  
Miye uku Kraiḡ Jisas.

<sup>6</sup> Kin naḡa e kitikin nat nal ηaiye kin nule berme pupwa  
lengē miye tuweinge lalme no, ka yurp hlaininge. Nup uku ki sasambe, ηaiye Got kin ηasande tikin ηaiye ka ungwisme lenge miye tuweinge lalme pe,

kin nalanatme njupe n̄aiye Jisas Krais ka ole ungwis lenge miye tuweinge.

<sup>7</sup> Ta e ti, Got nalanatme n̄am aposel topo e jetmam tititinge lenge mitin̄ supule n̄aiye ma malan̄atme wusyep mise milme tinge no, n̄oihmbwaip tinge ka teñeime wusyep mise luku. Wusyep e e n̄aiye n̄am manange, ki bwore mise supule. N̄am yukur hombo e.

<sup>8</sup> N̄am masande n̄aiye nato sios lalme ka yahra e nan̄ Got pe, lenge miye lalme ka yininge wusyep topo me kin. Ka yahra e syep tinge yunuh yaña e tinge supule yilme kin, kut prepwan n̄aiye ka n̄oihmbwaip nihe, topo e tuhwar, na pakai.

<sup>9</sup> O n̄am masande lenge tuweinge lope, ka dende hihiyilih bworerme yil tutume wutu kin pe, sekei. Prepwan n̄aiye ka yendende me dohwaih tinge ka mi, topo e ka yendende me wahri tinge topo e salpan n̄aiye tinge yenge n̄eser yende tikin mi supule. Topo e prepwan n̄aiye ka birme wuhyau no, ka yamba e hihiyilih n̄aiye tikin mi supule, na pakai.

<sup>10</sup> Kut lenge Kristen tuweinge n̄aiye jande wusyep tikin Got pe, ka yende wah bwore bwore tikin Got. Luku hihiyilih bwore mise tinge.

<sup>11</sup> Lenge tuweinge lalme ka yurp n̄umwaiye yusyunde wusyep yi yoto sios pe, ka yurp tuwihme lenge miye embep tikin sios.

<sup>12</sup> N̄am manange pakai supule n̄aiye tuwei ende ta tuhur gw̄in hla walan̄atme wusyep Got gw̄in woto sios, topo e yukur ta wil yer tahar e lenge miye, na pakai. Ta syumbe wurp n̄umwaiye wusyunde wusyep.

<sup>13</sup> Detale, Got n̄ende Adam yer mi e pe, ki n̄ende Iv nate gande.

<sup>14</sup> Kom Iv wowor e wusyep er̄neme tikin Got yer. Detale, ti wasande wusyep molohe Satan pe, ti wende hwap.

<sup>15</sup> Ti wende ta e luku, kom Got se ka amba e lenge tuweinge n̄aiye ka yara e talah, n̄aiye n̄oihmbwaip tinge ka ten̄eime Got, topo e ka yende nihararme lenge mitiñ, topo e ka yurp n̄umwaiye, topo e ka yahra e nañ kin.

### 3

*Wusyep e e ki nala elme lenge miye embep n̄aiye yal yerme sios*

<sup>1</sup> Wusyep e e ki bwore mise supule. N̄aiye miye ende n̄asande nange ka ende wah tu e n̄aiye miye embep ende n̄aiye nal yerme sios pe, luku kin si namba e wah bwore kuli.

<sup>2</sup> Miye n̄aiye nala ende wah tu e n̄aiye miye embep lenge sios pe, hwap wahri kin ka pakai supule. Kin ka enge tuwei esep ilyeh. Topo e ka bepteme kitikin bworerme n̄upe n̄aiye n̄ondol me natme kin. Kin ka orp bworerme otop lenge mitiñ lalme, ende niharar n̄aiye ungwis lenge mitiñ lalme n̄aiye yat yokoh kin, topo e ka sisyeme n̄aiye ende wah ta e jetmam alañatme wusyep bworerme.

<sup>3</sup> Miye embep n̄aiye kin nala el yerme sios pe, yukur ka ono e pinip bongol ende kwite kwote, ahra e n̄oihmbwaip nihe, tuhwar el ot, topo e yukur ka ende nihararme wuhyau, na pakai. Kut ka syumbe orp n̄umwaiye.

<sup>4</sup> Kin ka bepteme lenge tuweinge talah kin bworerme. Ka alangatme lenge talah kin bworerme n̄aiye ka yusyunde wusyep kin no, ka yurp n̄umwaiye tuwihme kin.

<sup>5</sup> Detale, n̄aiye miye ende yukur tatame ka bepteme lenge tuweinge talah kin bworerme pe, kin ka se sisysteme tu e la n̄ai ti, ka bepteme lenge sios tikin Got? Pakai.

<sup>6</sup> Miye n̄aiye kin nate n̄oto n̄ambaran n̄imbilme n̄oihmbwaip no, kin tahar Kristen pe, yukur ka amba e wah uku. N̄aiye pa yalangatme kin pe, se ka tengelyem ende bwili e bwula e. Ta e luku pe, se ka gute bip ahra e nan̄ kin pe, Satan ka ende kin ka tumbē.

<sup>7</sup> Kin ka miye n̄aiye lenge haiten, tinge topo e ka lalme yahra e hriphrip me kin. N̄aiye nan̄ kin yukur bwore pe, Satan se ka ende yumbune kin.

### *Wah lenge diken nato sios*

<sup>8</sup> Lenge diken, tinge topo e plihe n̄ahilyeh ta e luku, tinge ka yurp bwore n̄umwaiye yotop lenge mitin̄ lalme. Yukur tatame n̄aiye ka yowor e mut hoi, yono e pinip kwote sekete, topo e yende molohe n̄aiye yende n̄endei me wuhyau.

<sup>9</sup> Tinge ka yurpe wusyep mise luku n̄aiye Got si pasam poi lalme no, yukur n̄ainde ka upwai e tinge nange tinge yende pupwa, pakai.

<sup>10</sup> Ta e luku pe, pa sisipe yarp tinge yer yeteke e. N̄aiye yukur yip yeteke e pupwa ende sai nato tinge pe, liki pa yangange wah diken n̄aiye ka yende.

<sup>11</sup> Lenge tuweinge n̄aiye yende wah diken pe, ka yurp bwore n̄umwaiye yotop lenge mitin̄



lalme. Yukur ka yenge wusyep jin yaŋah, topo e yininge wusyep teket me lenge mitiŋ sye . Kom ka bepyeteme tititinge bworerme ŋupe ŋaiye ŋondol me nat, topo e ŋaimune ŋaiye tinge yende pe, ka yende bwarme topo e ŋoihmbwaipe ŋumwaiye.

<sup>12</sup> Lenge diken miye pe, ka yenge tuwei esep ilyeh no, ka bepyeteme lenge talah tinge, topo e lenge bantihei tinge bworerme.

<sup>13</sup> O lahmende ŋaiye tinge yende wah diken bworerme pe, lenge Kristen miye tuweinge se ka hriphrip me tinge ŋembere sekete. Pe tinge tatame ŋaiye ka jin bongole yininge wusyep me ŋoihmbwaipe mise tinge luku ŋaiye teŋeime Jisas Krai.

*Tehei ŋaiye ŋoihmbwaipe poi teŋeime Lahmborenge*

<sup>14</sup> Ŋam mainge wusyep e e malme yip pe, ŋam ŋoihmeryembe ŋaiye sehei woh ma muta meteke yip.

<sup>15</sup> Kom ŋaiye ma mende gwaingwaiye pe, wusyep ŋaiye sai tup e e ka ini yip gondoume yaŋah ŋaiye poi Kristen ya mende gunde tu e bantihei tikiŋ Got ŋaiye narp nye nyermbe. Sios tikiŋ Got kin tumwange ŋaiye nikirh wusyep mise.

<sup>16</sup> Wusyep tehei ŋaiye ŋoihmbwaipe bwore tikiŋ Got pe, ki ŋembere supule.

Krai pasam poi ŋaiye kin nat ta e miye hi.

Yohe Yirise sasambe kin nange kin bwore bwarme supule pe,

lenge walip hla yeteke e kin.

Lenge miye tuweinge yanange yalaŋatme wusyep me kin

yal e yal e kekep lalme,

topo e lenge miye tuweinge ηaiye yarp yal e yal e  
kekep lalme  
yaηa e ηoihmbwaip tinge yalme kin pe,  
Got namba e kin nenge nanah moihla .

## 4

*Wusyep molohe ηaiye ηende yumbune wusyep  
mise tikin Got*

<sup>1</sup> Yohe Yirise kin ηanange nalanatme nange min-  
demboi ηaiye ηup yuwo pe, lenge miye tuweinge  
sye ka yusme ηoihmbwaip ηaiye jande ηoihmbwaip  
mise. Ka junde lenge yipihinge pupwa ηaiye yende  
hombo e, topo e junde wusyep tikin Satan.

<sup>2</sup> Wusyep ηaiye ta e luku pe, kin natme lenge  
miye hombo e. Lenge miye uku, tinge yukur  
sisyeme ηaimune ηaiye bwore topo e ηaimune ηaiye  
pupwa. Njohmbwaip tinge si pupwa. Tinge yukur  
sisyeme hwap tinge.

<sup>3</sup> Tinge yina lenge Kristen miye tuweinge nange  
yukur ka dindi, topo e yukur ka yono ηai sye .  
Kom Got kin ηende ηai lalme luku ηaiye ya mono.  
Njupe ηaiye poi Kristen miye tuweinge si sisyeme  
wusyep mise no, poi da mono ηai pe, ya mininge  
wusyep risukwarme Got ti, ya mono ηai uku.

<sup>4</sup> Nai e ηai e lalme ηaiye Got ηende pe, ki bwore.  
Yukur ya gwirnge ηainde, pakai. Kom ηai e ηai e  
lalme ηaiye Got ηende pe, ya mininge wusyep  
risukwarme kin yer ti, ya mamba e mono.

<sup>5</sup> Nai e ηai e lalme ηaiye Got ηende pe, kin yirise  
gande wusyep kitikin. O poi ya mininge wusyep  
risukwarme Got yer ti, ya mono.

*Miye wah bwore tikin Krai*

<sup>6</sup> Njaiye na ininge wusyep e e bworerme el lenge Kristen miye tuweinge pe, nin miye wah bwore tikin Krai Jisas. Topo e nin n̄ende bongolme yirise bwore nin n̄upe njaiye nin n̄anange nalan̄atme wusyep bwore tikin Krai njaiye n̄oihmbwaip poi si teñeime.

<sup>7</sup> Kom aña e teket me wusyep molohe njaiye yerkeime mwan ka tinge yanange topo e got hombo e tinge. Bepeteme nitei bworerme pe, ende wah nihe njaiye na gunde n̄oihmbwaip bwore tikin Got.

<sup>8</sup> Njaiye na ende wi pe, ka ungwisme wahri ka si bwore bongol sikirp. Kom njaiye ya mende wah nihe njaiye mekepe yan̄ah bwore tikin Got pe, kin bwore mi supule nato yan̄ah wula wula. Pe luku ki nungwisme njaiye na orp bwore dindi laip le e, topo e mindemboi njaiye na orp nye nyermbe.

<sup>9</sup> Wusyep uku njaiye n̄am si manange pe, ki bwore mise. Pa lalme yusyunde wusyep e e pe, n̄oihmbwaip yip ka teñeime wusyep uku.

<sup>10</sup> Got njaiye narp nye nyermbe, kin n̄asande njaiye ka ungwis lenge miye tuweinge lalme. Kom yerendehei kin nungwis lenge miye tuweinge njaiye n̄oihmbwaip tinge teñeime kin. N̄oihmbwaip poi teñeime kin pe, poi marp meseperhme kin njaiye ka ende bworerme poi. Ta e luku pe, nye nyermbe poi mende wah nihe njaiye ya mungwis lenge mitiñ.

<sup>11</sup> Ininge wusyep e e el lenge miye tuweinge lalme, topo e ininge alan̄atme lenge njaiye ka junde.

<sup>12</sup> Yukur na osme dou me miye ende njaiye ka bep guh me nin nange nin pupwa lahyambe, na pakai. Kut ende n̄ai e n̄ai e asambe tu e njaiye nin

Kristen miye ende. Na ende gunde wusyep nin ɲaiye ɲanange, topo e narp nin. Ɖoihmbwaipe ɲaiye ɲende niharar, bilip mise nin, topo e narp nin ka bwore prihe mi supule.

<sup>13</sup> Teter ɲaiye ma mut pe, na aɲa e nin supule el ɲaiye na gonose wusyep mise tikin Got. Pe na ininge asambe lenge, topo e alaɲatme wusyep uku bworerme elme tinge.

<sup>14</sup> Yukur na ende minsyo me yitini bwore tikin Got ɲaiye kin si yale narp nato nin. Kin yale gande wusyep profet pe, lenge bwore bworengeni tikin sios yikil syep yanah nin.

<sup>15</sup> Ende ɲai e ɲai e luku bworerme, topo e aɲa e nitei supule elme wah uku. Na ende tu e luku ti, lenge miye tuweinge lalme ka yeteke e wah bwore ɲaiye nin ɲende.

<sup>16</sup> Ɖoihme nitei, topo e ɲoihme wusyep ɲaiye nin nalaɲatme. Ɖaiye na ende tu e luku pe, luku yukur na ungwisme nin ilyeh, pakai. Nin nungwisme lenge miye tuweinge ɲaiye yisande wusyep nin topo e.

## 5

*Timoti ka eteke e lenge Kristen miye tuweinge tu e ɲaiye bamtihei kin*

<sup>1</sup> Yukur na tuhwar inime wusyep bongol elme miye bworengeni ende, na pakai. Na syumbe inime wusyep bwore ɲumwaiye tu e ɲaiye nin ɲaname yai nin. Ininge wusyep ɲumwaiye el lenge lahyambe tu e ɲaiye lenge to tatai nitei.

<sup>2</sup> Na ende ɲahilyeh el lenge tuweinge bworengeni tu e mam nin. Topo e na plihe ende ɲahilyeh el lenge tuweinge simbihe tu e lenge mihyen

nin. O ñoihmbwaip nin yukur ka hri tuhur lenge tuweinge simbihye . Ende ñai e ñai e luku bwore bwarme gunde ñoihmbwaip tikin Got.

<sup>3</sup> Lenge sios ka bepteme bworerme lenge tuweinge ñope ñaiye miye tinge si yule yasme tinge, ñaiye yukur lahende ka bepeteme tinge.

<sup>4</sup> Ñaiye tuwei ñope ende wenge lenge talah ti, lakai ñambaih ti yarp pe, ñendeheiyeh tinge ka junde yanah ñaiye lenge Kristen bepyeteme bantihei titinge, ta e luku pe, ka plihe tuwa e yai mam tititinge ñaiye somohon bepyeteme tinge. Ka yende tu e luku pe, ki bwore bwarme nal ñembep tikin Got.

<sup>5</sup> O lahmende ñaiye ti ñope supule, topo e ti warp tititi ñilyehme pe, ti ta waña e ñoihmbwaip ti wilme Got ñilyehme. Ta e luku pe, nye nyermbe ñaiye ñup topo e ñau, ta wisilihme Got ñaiye ka ungwisme ti.

<sup>6</sup> Kom ñaiye tuwei ñope ti warp ñembep umun no, ti waña e ñoihmbwaip tititi supule wal me ñai e ñai e tikin kekep e e pe, liki ti si wule.

<sup>7</sup> Na ini lenge wusyep e e elme tuweinge ñope no, yukur lahende ka se yeteke e pupwa ñaiye lenge tuweinge ñope yende, pakai.

<sup>8</sup> Kom lahmende ñaiye yukur bepteme lenge mitiñ ñaiye yarp moi sambe kin, lakai wim ilyeh kin bworerme pe, kin si nasme ñoihmbwaip ñaiye teñeime Lahmborenge pe, ki ñende ñai e ñai e tetehei pupwa nengelyembe lenge haiten miye ñaiye yende.

<sup>9</sup> Inge nan lenge tuweinge ñope ñaiye lenge sios ka bepyeteme tinge. Kom tuweinge ñope luku, wahtaip tinge ka tutume 60 enge el unuh. Topo e tinge si yindi e miye esep ilyeh.

<sup>10</sup> Ka yende ηai e ηai e tetehei ka bwore lalme. Tinge ka tuweinge ηaiye bepyeteme lenge talah tinge bworerme, topo e ka yamba e lenge mitin supule yenge yut yokoh yangang lenge ηai. Tinge tuweinge ηaiye ka tule tititinge ηaiye yungwis lenge miye tuweinge tikin Got, topo e yungwisme lahmende ηaiye yamba e hwap, topo e yende ηai e ηai e tetehei ηaiye bwore.

<sup>11</sup> Kom yukur pa yamba e nan lenge tuweinge simbihye ηaiye ηope, na pakai. Tehei kin ta e le e, ηupe ηaiye ηoihmbwaip tinge tahar ηaiye ka plihe dindi pe, ka yan̄a e teket me Krai.

<sup>12</sup> Pe tinge ka jin wusyep yil nembep tikin Got me wusyep ηupwai e ηaiye tinge si yupwai e yotop lenge sios.

<sup>13</sup> Topo e tinge yal yukoh ilyeh ilyeh yende gwaingwaiye ηaiye yoto tas pe, tinge yanange wusyep teket, topo e tinge tongosyorme wusyep lenge mitin ηaiye yanange yenge yal. Luku yukur wusyep tinge, pakai.

<sup>14</sup> Ta e luku pe, ηam masande ηaiye lenge tuweinge simbihye ηaiye ηope, ka yindi e miye pe, ka yara e talah no, ka bepyeteme yokoh tititinge ilyeh ilyeh tongonose. ηaiye ka yende tu e luku pe, lenge wachaih yukur tatame ηaiye ka yininge wusyep tule poi, pakai.

<sup>15</sup> Tehei kin ηaiye ηam manange ta e luku pe, lenge tuweinge ηope sye si bunjenge ηoihmbwaip tinge jande Satan.

<sup>16</sup> ηaiye miye lakai tuwei ende ti Kristen, kom tuweinge ηope sye tinge bamtihei ti, lakai kin pe, tuwei uku ta bepweteme tinge. Yukur wah lenge sios ηaiye ka bepyeteme tinge, pakai. Lenge

sios ka bepyeteme lenge tuweinge n̄ope n̄aiye yarp tititinge n̄ilyehme.

<sup>17</sup> Lenge bwore bworengē n̄aiye yal yerme sios, tinge ka yamba e nan̄ embere topo e yitini bwore. Lenge lahmende n̄aiye yende wah nihe n̄aiye yanange wusyep, topo e yalan̄atme wusyep mise pe, pa yangange yitini n̄embere.

<sup>18</sup> Detale, wusyep n̄aiye sai tup tikin Got, ki n̄anange na,

N̄upe n̄aiye yuwor kau miye ka isyer e peperiyeh kakah pe,

yukur pa se yupwai e mut kin n̄aiye ka ono kakah, na pakai.

Ta e luku pe,

Miye wah n̄aiye yip yan̄a e wah pe, kin se ka amba e yitini me wah uku.

<sup>19</sup> Yukur na usyunde wusyep miye ende n̄aiye ka ininge nange miye embep ende n̄oto sios ki n̄ende pupwa, na pakai. Kut n̄aiye miye hoi lakai hun plihe yanange wusyep ilyeh uku yenge yal, nange kin n̄ende pupwa pe, liki na usyunde wusyep tinge.

<sup>20</sup> Na ihyele lenge lahmende miye embep n̄aiye tinge si yende pupwa gah n̄embep lenge sios lalme no, lenge miye embep lalme tinge ka hi jirnge.

<sup>21</sup> Nal n̄embep tikin Got, topo e Krai Jisas, topo e lenge walip hla tikin Got n̄am wusyep ern̄em nin n̄aiye na gunde wusyep lalme le e. Lahmende n̄aiye yukur gande wusyep ern̄eme luku pe, ininge wusyep bwore bwore elme tinge lalme. Yukur

na ungwisme miye ende, kut na tule ende gunde  
 ɲoihmbwaip nitei, na pakai.

<sup>22</sup> Na ɲoiheryembe bworerme ti, na ikil syep e  
 unuh lenge mitiɲ ɲaiye na alaɲatme tinge no, ka  
 yende wah tikiɲ Lahmborenge. Noihme ɲaiye na  
 otop lenge mitiɲ sye ende pupwa. Orp bworerme.

<sup>23</sup> Timoti, nin na osme ɲaiye na ono e pinip  
 bilmbil ilyehme. Kut na ono e pinip wain sikirp  
 ɲaiye ka ungwisme tapam nin. Detale, ɲup sye nin  
 namba e wahri epwa tapam.

<sup>24</sup> Pupwa ɲaiye lenge miye tuweinge sye pe, ki  
 sai wikinge ɲaiye na eteke e ti, ka se jin wusyep.  
 Kut pupwa lenge miye tuweinge sye pe, ki sai tase  
 ti, mindemboi ka tus halhale.

<sup>25</sup> Ta e luku pe, ɲoihmbwaip bwore sye ɲaiye  
 lenge miye tuweinge yende pe, ki sai halhale ɲaiye  
 lenge mitiɲ yeteke e. O ɲoihmbwaip bwore bwore  
 sye ɲaiye sikirp nihe ɲaiye na eteke e, kom yukur  
 ka si tise, pakai, minde ka tus halhale.

## 6

*Lahmende ɲaiye miye wah pakaiye pe, tinge ka  
 yusyunde wusyep lenge miye embep tinge*

<sup>1</sup> Lenge lahmende ɲaiye miye wah pe, ka  
 yusyunde wusyep miye embep tinge bworerme.  
 Ka yende tu e luku no, yukur lahende ka se ininge  
 wusyep gonombai e naɲ tikiɲ Got, topo e wusyep  
 ɲaiye poi malaɲatme tinge.

<sup>2</sup> Lenge miye wah sye pe, lenge miye embep  
 tinge Kristen, kom prepwan ɲaiye pa ɲoihyeryembe  
 nange yip lalme Kristen to tatai no, pa yalaɲahme  
 wusyep lenge miye mbep, na pakai. Kut yip lenge



miye wah pa yende wah nihe. Detale, wah yip yungwis lenge Kristen to tatai yip sye .

*Wusyep molohe topo e yende nihararme wuhyau*

Nin Timoti, na ininge alaŋatme lenge miye tuweinge bworerme, topo e na ininge ahra e ŋoihmbwaip tinge no, ka junde wusyep ŋaiye ŋam si mana nin.

<sup>3</sup> Ŋaiye miye ende ka ininge alaŋatme wusyep ŋoinde tikin ŋaiye yukur ŋahilyeh gande wusyep mise tikin Lahmborenge Jisas Krai poi ŋaiye poi gwande.

<sup>4</sup> Pe luku kin da ahra e naŋ kin, kom yukur kin sisysteme ŋaimune, pakai. Kin ŋonorh ŋoihmbwaip pupwa ŋaiye nombe teketenge wusyep. Ta e luku pe, ŋaisep kin ŋaiye tas pe, lenge miye tuweinge yahra e tuhwar teketenge wusyep, tinge ŋoihmbwaip pupwa ŋaiye lenge mitiŋ yahra e naŋ lenge mitiŋ sye , tinge yarmbe topo e jonosambalai, topo e tinge ŋoiheryembe ŋaiye lenge mitiŋ sye ka yini e yende yumbune tinge.

<sup>5</sup> Topo e lenge miye tuweinge ŋaiye ŋoihmbwaip tinge pupwa sehei e pe, tinge de ka tuhwar hihwaiye. Tinge si ŋoihsipe wusyep mise. Tinge ŋoihyeryembe nange yaŋah ŋaiye ŋoihmbwaip teŋeime Got pe, luku yaŋah ŋaiye ka yamba e ŋai e ŋai e tikin kekep e e.

<sup>6</sup> Ŋaiye ŋoihmbwaip nin ka teŋeime Got nange ŋaimune ŋaiye ka yule pe, liki sekei tatame ko.

<sup>7</sup> Ŋupe ŋaiye mam wara e poi pe, poi yukur minge ŋainde mat kekep e e, pakai. Topo e ŋupe

ņaiye ya mule pe, yukur ya se plihe mamba e ņainde minir kekep e e menge mil, pakai.

<sup>8</sup> Kom ņaiye poi si tatame ņai topo e hihiyilih pe, liki poi yukur sehei e ņainde.

<sup>9</sup> Kom lahmende ņaiye tinge da tu e miye tuweinge lowe pe, ņoihmbwaip tinge ka tuhur ņaiye ka yende pupwa, topo e luku ki ņende yumbune ņoihmbwaip tinge ņaiye ka enge lenge e oto yaņah ņaiye ka yule.

<sup>10</sup> ņaiye pa yende niharar ņaiye yamba e wuhyau wula wula pe, liki tehei ņaiye ka enge yip e oto yaņah ņaiye tikin pupwa supule. Lenge miye tuweinge sye si yasme ņoiheryembe mise tinge. De-tale, tinge yende nihararme wuhyau wula wula. Kom tinge yende me tititinge ņaiye ka yamba e nihe syohe embere embere.

### *Yarp lenge Kristen*

<sup>11</sup> Kom nin miye tikin Got, enge nin tupwaihme ņai e ņai e luku. Te orp el yaņah ņaiye kin bwore bwarme pe, ahra e naņ tikin Got. ņoihmbwaip nin ka teņeime kin, topo e ende niharar, topo e orp ņumwaiye topo e lenge mitiņ, topo e gin bongol ņaiye na ikirh mane.

<sup>12</sup> Bilip nin ka si bwore bongole tu e ņaiye nin gertenge susungurh no, na amba e yitini bwore ņaiye sai nye nyermbe. Topo e Got nalaņatme nin ņaiye na orp laip nye nyermbe. Nin si ņanange nowor e bilip mise nin nal ņembep lenge Kristen miye tuweinge.

<sup>13</sup> Nal ņembep tikin Got ņaiye ņende ņai e ņai e tetehei lalme ņaiye sai, topo e nal ņembep tikin Jisas

Krais nam manange wusyep bongol ta e le e. Kin gan bongole nal nembep tikin Pontius Pailat pe, kin nanange wusyep wor englisme noiheryembe mise kitikin.

<sup>14</sup> Nam Pol, nam gwan manah hla me nan hoi uku pe, nam manange wusyep mende bongol me nin no, na usyunde wusyep uku bworerme, topo e na gunde wusyep uku bworerme el tutume nup naye Lahmboreng poi Jisas Krais ka ot. Na ende tu e luku pe, lenge miye tuweinge yukur ka tule nan nin.

<sup>15</sup> Nup kitikin naye ka ot pe, ka ot gunde nup tikin Got naye si nalanatme.

Got kin tehei naye hriphrip, topo e kin Lahmboreng naye bepteme nai e nai e tetehei lalme.

Kin Miye ondoh naye bepeteme lenge miye ondoh lalme, topo e kin Lahmboreng naye bepeteme lenge lahmboreng lalme.

<sup>16</sup> Kin Got naye yukur nule.

Kin narp nato yirise naye tikin yirise supule pe, yukur ya se mil sehei me kin, pakai.

Yukur lahende neteke e kin, topo e lahmende yukur tatame naye ka eteke e kin.

Ta e luku pe, nye nyermbe ya mahra e nan kin, topo e bongol kin ka si nye nyermbe. Mise.

<sup>17</sup> Ini lenge miye tuweinge lowe na, ka tengelyem yil umun yahra e nan tititinge, na pakai. Prepwan naye ka yana e noihmbwaip bumbe tinge yilme nai e nai e bwore bwore luku tu e wuhyau tinge. Detale, wuhyau nup ende se ka talai. Kut

ka yaŋa e ŋoihmbwaip bumbe tinge yilme Got ŋaiye yukur ka mi e, ka orp nye nyermbe. Kin ŋilyeh tatame ŋaiye ka pul poi ŋai e ŋai e tetehei ŋaiye poi sehei e pe, ya lalme hriphrip.

<sup>18</sup> Ini lenge miye lowe me wuhyau ka yende ŋai e ŋai e bwore bwore ŋaiye ka ungwis lenge mitiŋ lalme, topo e ka yangang lenge ŋai e ŋai e wula wula yil lenge miye tuweinge ŋaiye sehei e ŋai e ŋai e.

<sup>19</sup> ŋaiye ka yende tu e luku pe, liki ta e ŋaiye tinge birme ŋai e ŋai e bwore bwore ŋaiye ka inir bwore bongol el tutume mindemboi. ŋaiye ka yende tu e luku no, tinge ka yurp bwore nye nyermbe.

<sup>20</sup> O Timoti, etehme bworerme wah ŋaiye Got si yale. Prepwan ŋaiye na ininge wusyep nombe teketenge topo e lenge mitiŋ ŋaiye yanange nange sande teke e tinge ki ŋembere. Tinge ŋoiheryembe nange sande teke e luku ki ŋembere, kom wusyep tinge yukur mise.

<sup>21</sup> Lenge miye tuweinge ŋaiye jande sande teke e molohe luku pe, tinge si yasme ŋoiheryembe mise tinge mi e kuli. ŋoihmbwaip ŋumwaiye tikin Got ka si topo me yip lalme.

**Wusyep Bwore tikin Got**  
**The New Testament in the Urat language of Papua New**  
**Guinea**

**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26